

Riba peticion di hues y consejo di abogado

Joran vd Sloot lo ta presente pa su caso mayan toch

ORANJESTAD /LIMA – Riba peticion di hues di Peru, Joran vd Sloot a dicidi di bai di acuerdo pa presenta un rato pa su propio caso.

Esaki despues cu e la dicidi inicialmente cu su presen- cia no ta necesario manera cu BONDIA ARUBA a confir- ma via di su propio mama Anita e siman aki. Pero manera cos ta bay den mundo, cos ta cambia liher y den e caso aki tambe, cosnan a cambia y awor Joran lo aparece, aunke ta un rato, pa su propio caso. Su abogado Jimenez ta kere cu esaki ta beneficia propio Joran y como tal

a conseha su cliente pa e haci su aparicion. Mes momento BONDIA ARUBA a compronde cu tin ma- sha hopi presion di parti di e famia influente di e famia di Stephanie Flores cu ta eherciendo hopi presion riba husticia di Peru. Como tal BONDIA ARUBA a com- pronde cu no por spera un huicio mucho neutral, aun- ke cu na final di cuenta ta den man di hues e caso lo bai ta.

Un otro asunto cu tambe BONDIA ARUBA a haya confirmacion ariba ta e hecho cu a dicidi awor cu cierto cantidad di prensa por ta presente durante e

caso, pa cual hopi period- ista internacional a haci uso di dje. A compronde cu sigur for di Hulanda tin hopi periodista cu ya caba ta riba avion direccion Lima, mientras cu otronan a yega caba y ta haciendo pre- paracionnan necesario pa ta presente mayan den e caso.

Tabata ainda comienso di e siman aki cu BONDIA ARUBA a haya informacion for di propio mama di dje, Anita, cu su yiu Joran van der Sloot lo ta e gran aus- ente mayan ora cu su caso bin dilanti un hues perua- no y wordo trata. Ta sola-

mente e abogadonan, fis- cal y hues lo mester tabata presente den e caso aki cu lo wordo trata den prison mes.

Segun mama di Joran, e intencion tabata cu e abo- gado di Joran, Jimenez lo a haci un presentacion y haci den esaki un proposicion na hues pa cu su cliente Joran vd Sloot sin cu e mes- ter tabata presente. No ta conoci si kico e proposicion aki ta.

Loke ta haci e caso mas in- teresante aki ta cu mientras cu e siman aki ta 'cuminsa' cu e tratamiento di e caso, e mesun huesnan cu ta cuminsa cu e caso, ta wor-

do remplasa fin di e mesun luna aki. Esei ta pone cu lo por surgi un retraso atrobe pa continuacion di e trata- miento di e caso, y Jimenez kier gana tempo den esaki.

E 'encuentro' aki lo ta e prome pa e caso di Joran vd Sloot dilanti huesnan, y ta e intencion pa e fiscal- nan den e caso aki pidi un cantidad di aña substan- cial pa Joran vd Sloot pa e loke e ta wordo acusa di dje, cu ta asesinato riba e peruano Stephany Flores. Tin informacion cu ta circu- la cu e cantidad di aña cu ta wordo pidi pa vd Sloot ta 30 aña. □

Huez na Alabama ayera

A declara Natalee Holloway oficialmente morto

BIRMINGHAM, Ala. –Un huez ayera na Alabama (estado unda cu Natalee Holloway tabata biba) a declara Holloway morto oficialmente. Esaki apenas 24 ora despues cu Joran van der Sloot a declara su mes culpabel di un otro morto, Stephanie Flores na Peru e siman aki.

E hues a dicta a base di petition di e propio tata di Holloway, esta Dave Holloway mientras cu e mama Beth Twitty a protesta e caso aki.

Algun tempo pasa (año pasa) e tata a entrega e petition aki, 6 año despues cu su yiu muher a dis-

parce na Aruba, supuestamente na man di e unico sospechoso den e caso aki di Natalee Holloway. Ora cu e tata a haci tal acto, e mama mesora e protesta (nan ta divorcia) e hecho aki y a muestra cu e no ta di acuerdo cu esaki.

Pero aworaki ta obvio cu e tata a logra su meta y cu aworaki oficialmente su yiu muher ta declara morto.

No ta conoci kico exactamente esaki ta nifica y si den cualkier caso, e morto aki lo por tin effect riba un eventual polisa di seguro cu lo tabatin pa Holloway. Algo cu semper

tabata un asunto cu a keda papia ariba y cu por tabata un di e motibonan di e morto.

No ta conoci ainda kico e acto aki di ayera lo tin riba e caso na Aruba y con Ministerio Publico lo bai trata esaki. Por wel ta cu e no tin ningun efecto riba e caso (ainda den investigacion) of cu awor e caso por wordo sera oficialmente si no tin sentido pa sigui busca ya cu e victima oficialmente ta morto.

Of, cu awor e cargo y sospecho contra Joran vd Sloot ta haya un otro tinte y acusacion oficial. □

